




04503


欽 陽 山 樵 朱  
大 同 覆 瓿 稿



欽 邑 朱 府 藏 板



梓禮部侍郎朱大同先生覆瓿稿



仁峯文集內有新

嘗讀吾鄉汪公

安師友序專述理學諸儒稱許簡

嚴而楓林學士之後繼以禮侍朱

先生大同先生字也學士之胄

覆瓿稿引

也是父是子家學相承卽宦業亦

自表表後以遭誣蒙難未竟厥施

而懿行遺編則揭日月而行者矣

涑以訪古仰止鄉先達曾跋涉至

其仁里瞻謁先生遺像會其裔孫  
時新茂才問有無文集知久失咨

嗟者久之逾月茂才搜錄先生覆  
瓿稿詩文各數卷余歛容讀之文  
則羽翼六經詩則盛唐風致猶可  
想見

國初渾渾噩噩之景象焉又何其幸  
也雖篇章散落十不存二三而得

覆瓿集引

二

窺一斑亦可測其全體矣邇洙泗  
而嗣徽音是在箕裘與私淑之君  
子

萬曆丙辰後學林下范涑盥手敬書



黃叔吉刻

覆瓿集目錄

卷之一

五言古詩

伯元宅閱故書有感示彥珍

始生日有感

送吳允堅嘗儀入閩省親

樓居翫月偶成

贈副使丘克明

舟行分韻得臨字

覆瓿集

目錄

舟行分韻江彥銘得九字復賡之

題蒲石軒

贈馬則賢

俞恕道掾郎入閩贈別

瑞蓮詩贈李子才

題姚智伯仲凝霏軒

題杜休寧溪行圖

江孟思求題季弟欽教諭季用挽章卷

題自畫贈王德中

七言古詩

春歸曲

雪中書懷歌和范平仲韻奉寄陳黃二親

黃親和前韻見示因再用韻奉寄

雪後喜晴三用韻奉寄陳黃二親一笑

耕田歌

醉歌行贈唐佐衡

題鄭以仁府椽南山堂

看雲生黃山採藥歌

覆瓿集

目錄

二

送吳彥才之京

程節婦

送黃彥輝之官長洲丞

激清軒歌爲呂旭作

率溪汪茂卿求寫溪山小隱圖因題圖左

送儒醫洪毅夫

散步至楓林

古木寒林歌

萬松道人吹簫圖

卷之二

五言律詩

感懷

其二

送人歸後有懷

次韻馮伯昂同發姑蘇

次韻伯昂見寄

可惜

題畫

覆瓿集

目錄

三

端午中黃親招飲齊明樓分韻得榴字

舟過石崇湖次韻彥銘

其二

贈王若霖

其二

題折枝梨花兼實圖

題自畫扇贈曹子純

贈智惠憶歸南泉

七言律詩

西村畫山水爲羅傳邑令題

次韻馮伯昂見寄

其二

上巳苦雨呈汪養晦

大雨

夢中渡江之作

登子陵釣臺有感

題畫

題自畫喬木古松圖贈程伯齡

覆瓿集

目錄

四

應 制作瀟湘入景

山居述懷

奉寄陳秉初

夢歸梅花初月樓

過水樂田家有感

嚴君誕日

七月登吳山感去年離家之作

雨中寄李仲吉員外戴子華二契兄

奉寄山陰縣丞陳大用



過嘉興三塔寺分韻得門字

宿嘉興道濟院題壁

至日登吳山

次韻高德初述懷

其二

奉贈唐佐衡老師

次韻楊思齊感懷

由姑蘇過吳江抵錢塘舟中有作

吳江卽景

覆瓿集

目錄

五

吳江思歸

次韻馮伯昂見贈

元日有感

慈親花甲之日是夜夢中稱壽覺後有感

次韻萬壽塔長老贈天真藏主天真宜人

題冷起敬如此江山亭

發錢塘至餘杭城阻雨三日題城北樓

其二

過昌化次前韻

度昱關宿老竹田家及抵家述懷

次韻李仲吉見贈

奉簡敬道兄長見顧

題自作山水

其二

過瑤溪訪俞敬道不過因畱宿是時敬道有

金陵經商之行

贈別鮑尚綱赴人才選

施杜端三使君見訪索贈

覆瓿集

目錄

六

秋雨感懷

寄葉實夫

輓汪尚書澤民

歸故宅

同友遊靈山絕頂松林

冬夜

題白雲樓

題登源綠照亭

贈項子全

山中書懷寄葉實夫

五月十五夜對月

同董伯和登砂子嶺觀聖潭瀑布

上江山中卽事

至楓林登東山樓有感

曹操楊脩翫曹娥碑圖

嚴陵舟還喜晴贈陳大用

其二

何士明以詩求作雲麓書隱圖不果爲作步

覆瓿集

目錄

七

韻奉答

題端木契友送行詩卷

題王悅中長司林泉歸隱卷

發新城至江浙書懷

卷之三

七言律詩

十月十六夜嚴陵城下翫月

遂邑阻雨書懷

其二

杜休寧秩滿將行以李生畫鶴畱別江彥銘  
令余爲題

宗家成仲以先子所題墨竹求詩

嚮明樓

題希陶詩卷

其二

贈別趙省郎

同休丞應叔原屯屯溪泛舟至溪東贈別

遊觀崖亭圖

覆瓿集

目錄

八

題自畫臨清樓圖

題菊堂

江節婦

夢別陳彥珍

爲江孟和題棲碧樓

題自畫

題金山寺

題宣上人棲碧軒

題自畫榆溪清隱圖寄程國輔

其二

陞春官侍郎遣篤郎歸寄陳姊夫德銘

其二

遭誣得罪賦詩以見志

其二

五言絕句

爲范平仲寫雲溪歸隱圖成題詩一絕

題畫馬手卷

其二

覆瓿集

目錄

九

六言絕句

題琴趣軒卷

其二

其三

其四

題浯溪清隱圖贈吳甥

題五城程均敬畫

七言絕句

小園栽菊

其二

卽事

其二

畫扇

題錢舜舉海棠白頭翁

題宋太祖蹴毬圖

墨菊

畫扇贈董伯和

宿江頭不了寺

覆瓿集

目錄

訪祥雲谷首座不遇

遣人寄歸

其二

其三

至赤岸

題畫扇

其二

題畫

其二

其三

其四

除夜有感

其二

雪霽

題自寫山水

花朝登砂子岑

睡起偶書

泛舟嚴陵

覆瓿集

目錄

其二

其三

其四

閒閒道士求題息齊竹

小景

簫

楊妃上馬圖

白描湘妃圖

楓林牧隱圖

雲溪歸隱圖

春江送別圖

其二

墨菊寄方山程德明

墨菊寄陳彥珍

題自畫寄陳親

戲問龍筆架

答

題畫

覆瓿集

目錄

十二

錢塘歌

竹枝詞十八首

卷之四

序

重編新安志序

送副使丁士溫赴召詩序

杜休寧遊觀圖序

黃山圖詩序贈歙尹皇甫遵道

送歙尹皇甫遵道考滿序



送杜休寧秩滿序

又代休丞應叔原

題邵思宐瓜圃鋤雲圖序

舟行分韻詩序

送鄭居貞之鞏昌序

贈地理汪煥章序

卷之五

記

聽泉樓記

覆甌集

目錄

十三

石門讀書圖記

休寧縣重建鼓樓記

練溪閒居記

橫洲書堂記

退思軒記

罷釣軒記

自得軒記

未慕亭記

卷之六

記

容膝山房記

閔口觀音堂記

壽春堂記

說

貞白軒說

程庭輔二子字說

天遂子說

率東程顯公墓說

野航齋說

覆瓿集

目錄

十四

銘

唯齋銘

平率齋銘

跋

書先子臨晦庵夫子書尊德性齋銘後贈曹

子純

書周彥名先生遺後錄後

跋程洛水爲范甥可起字說後

書錢舜舉畫後

跋鈞隱詩卷尾

卷之七

賦

雪賦

琴書樂趣賦

送楊汝翼携家臨濠侍親

悼女賦

雪麓書隱賦

書啟

覆甌集

目錄

十五

達李同知書

達張太守書

傳

孫上舍元京傳

墓誌銘

皇甫氏五世墓誌銘

祭文

生日祭先考文

卒哭祭先考文

小祥祭先考文

祭叔父東父文

卷之八

附錄

唐仲實贈朝 京序

呂德昭贈朝 京古風二首

孫傑贈朝 京歌行

俞忠贈朝 京詩

馬則贈朝 京詩

覆瓿集

目錄

十六

曹譽贈朝 京詩

汪和贈朝 京詩

范平仲書雲溪歸隱圖後

范平仲賀繼嗣詩

其二

范平仲賀見子詩

張羽賦梅花初月樓

周孟啟題梅花初月樓

曹倬贈詩

目錄

覆瓿集卷之一

紫陽山樵朱同著

裔孫

時新閣

睢陽居士范涑校

時芳叅閱

五言古詩

伯元宅閱故書有感示彥珍

丙午

鄉里昔承平甲第爭相高十年罹兵燹瓦礫生蓬蒿  
君家全盛時池館集羣豪揮灑共談笑綠衣照青袍  
借問創業難昔人無迺勞動勞未易道勗君末終保  
架上多羣書片紙俱可攷微倖不可求青霄未易到  
覆瓿集 卷之一  
有源斯有委母爲彼行潦好風自東來悠揚吹百草  
及此愛日遲莫負青春早與君爲兒童簡編時卷舒  
迴頭二十年舊學日已疎韶光速流電那能少躊躇  
君子與小人所趨不相如遠之良不難慎勿迷厥初  
作詩示同志因之重歎獻

始生日有感

癸卯

天馬辭月窟飄然來沙場飛鴻失其羣哀吟獨南翔  
我生胡不辰三年羈錢塘矯首屢四望雪晴關山長  
男兒生墮地勲名在四方那能守丘園鬱鬱懷故鄉

所悲有雙親白髮垂高堂溫清誰當共甘旨誰當嘗  
所以中夜起愴然悲以傷由來忠孝節千古垂綱常  
大罪旣逆天細事胡足量登高觀大荒大荒何茫茫  
白日懸蒼穹不照遊子腸

送吳允堅掌儀入閩省親

癸卯

海鳥拂羽翩翩然獨南翔楚人不識鳳焉能知商羊  
我本黃山人仗劍遊錢塘見君恨已晚盤桓蘇與杭  
忽動定省念告言駕海航我親亦念我白髮垂高堂  
未遂終養心中宵不能忘豈無負郭田與君濯滄浪

覆瓿集

卷之一

二

男兒百年間事業不可量努力在少年莫令鬢毛霜  
我有清樽酒爲君舉一觴酒酣發長歌中心愴以傷  
莫辭今夕歡可以訴衷腸明朝片帆去雲海蒼茫茫  
樓居翫月偶成 戊申七月

岑樓乃面西不知觀月出但怪窻外山皺文何歷歷  
倚欄夜向分疲極暫偃息夢破五更寒滿樓映虛白  
呼童急開牖當簷挂圓壁清氣灑襟懷皎月侵床席  
半輪漸嚙山須臾盡傾沒遙天空明際四山已如墨  
佳景不可留難得良易失長笛忽一聲喚起東方日

贈副使丘克明并序

徽府織染局副史丘克明居官時有毀之於上官者折挫抑鬱成疾不復出因得辭歸袁州與之友者哀詩贈行爲賦此

木落長空高霜風凋百草此時新安客夜夢宜春道  
絲綸方欲展歸計一何早豈無五色線黼黻袞龍好  
所悲本素絲彰施非我抱自從居官來衣裳屢顛倒  
萋斐成貝錦危機固難保況以羸病軀當此百憂擣  
故山松菊晚三逕復誰掃歸耕實吾事巖穴聊養浩  
覆瓿集

卷之一

三

不聞堯舜世巢由亦高蹈勗君青松心永保冰霜操  
同余子韶等十人赴儒選舟行分韻賦詩得臨

字

辛亥秋

明月出東海餘輝照衣襟赫日苦炎蒸愛此清夜深  
況有羣賢俱樽酒相與斟共嗟會面難扣舷發長吟  
嚴親旣我棄遺書寧披尋遊子復遠征何以慰母心  
聖朝無棄物四海同君臨豈以衰絰儒而強加冠簪  
君當登雲衢我當歸故林努力崇令德矯首領佳音

彥銘江兄分韻得九字復賡之

里開本非遙如何別來久今日獲同舟相看憶南畝  
聖朝起山林內顧何所有仰事猶未終固辭非敢後  
文昌富文藻雲夢吞八九覩此琳琅篇豈同草木朽  
題蒲石軒

青青水中蒲磊磊澗邊石託根相因依出處同所適  
託根各有宐出處亦有時昔也俱棄捐瓦礫沉汚池  
今登君子堂璠璵等奇翫灌以清冷泉籍之青玉案  
蒲根朝潤石石罅朝雲陰嘉名揭華扁允矣君子心

贈馬則賢

并序

覆瓿集

卷之一

四

馬則賢星源叔敬先生子也叔敬儒而能醫與  
先子友善則賢受府帖碎爲吏不得辭尋以母  
憂獲終喪之請而歸其鄉人江孟思訓導爲哀  
詩以贈因賦此

壬子

芳草碧未終秋霜一何早母恩那可思寸心欲奚報  
雖有白日輝已缺春暉好飲恨抱案牘方寸怒如擣  
陳情已得請几筵躬灑掃忍淚不敢揮嚴親亦云老  
志養已自慚况乃傷懷抱我親亦念我棄捐兩秋草  
去年被斬衰遠涉金陵道慈親日倚門眼枯鬢如皓



聖恩果天寬放還喜絕倒雖無三釜養菽水芰蘋藻  
與君本通家世學所當攻亾者旣如斯生者期終保  
文昌哀詩篇令我索枯槁我辭亦良苦未易衆人告  
但願各勉旃矯首望穹昊

俞恕道掾郎入閩贈別

時王駙馬碎之

壬子

君子務行道仕隱非二途胡爲斯世人視如水炭殊  
醉心軒冕場有若桎梏拘放志丘壑間自謂巢由徒  
俞君通濟才況乃世業儒端居豈傲時宦遊豈榮軀  
駙馬王晉卿好賢當代無閩徵開大藩一夫寧向隅  
覆瓿集

卷之一

五

君方居幕下贊畫多良圖俊彥集一時青紫咸拖紆  
進取寧我心慨然思尊鱸歸來且慰意山水亦足娛  
知已終未酬明當戒僕夫秋風動征旆朋從餞城郭  
三山邈天涯興至成斯須賤子亦感恩未能効馳驅  
送君千里行屏營當路衢

瑞蓮詩贈李子才

并序

李子才宰昌化於凋瘵荒蕪之餘撫字深至民  
多歸之昌化舊有東坡池植紅蓮子才採蓮實  
種居後是年卽放花變青色明年花盛開中有

並頭者子才喜其瑞自賦詩賡者盈卷歲壬子  
冬來二守徽郡癸丑夏會于郡齋以瑞蓮實及  
詩卷示余索賦勉爲步韻 癸丑

昔年李青蓮嘉號何芳郁所以聞孫池嬌紅變水玉  
方當移種時蓮房綻新綠善政猶蒲蘆發達果神速  
舊染出污泥亭亭起初浴荒郊昔寥寥里煙今簇簇  
趨事若子來邠復令頰感瑞氣集奇葩雙鸞並肩宿  
豈唯感淳風政爾勵澆俗旣清貴溪流復濬練江曲  
勲名在朝堂暫此淹驥足誰當獻斯歌預擬汗青錄  
覆瓿集

卷之一

六

題姚智伯仲凝霏軒

遂邑人 甲寅

濛濛煙霧姿靄靄山嵐影氤氳盈太虛伊誰爲收領  
高人構層軒歛此微茫景霏集琴書潤氣侵衣裳冷  
花霧融春雲林氣掩秋鏡已識軒中人欲寫軒中勝  
琳琅詩滿編撫卷發深省

題杜休寧溪行圖

溪行足佳興草樹煙中稠天光蕩林莽石稜見長洲  
憶昔越中行逸趣甘林丘豈謂靖節翁亦有彭澤遊  
府帖日夜下催徵無時休邦本旣已寧民瘼誰當求

感此發長吟擊楫臨中流何當獻斯圖一解蒼生憂  
江孟思求題季弟欵教諭季用挽童卷

維南有祥鳳文彩華羽翰好音鳴朝陽來集紫陽泮  
方當鼎盛時一往不復返空有五色雜羣從已星散  
世路多險艱勞生足奔竄蓋棺事卽終何用計脩短  
元方哀獨深淚向詩篇滿淚枯眼亦枯當以情自澣

題自畫贈王德中

月出城東頭團團上明鏡古樹倚朱樓樓烏驚未定  
小星淡已無大星遠相映草露發夜光荷盤拭秋淨  
覆瓿集

卷之一

七

良朋喜同遊清賞寄高詠安得白玉繩爲人繫清影

七言古詩

春歸曲

丙午

春欲歸庭前小園花亂飛  
杜鵑聲聲口流血喚春喚  
落空山月小橋流水柳絲斜  
水面遊魚吹柳花春風  
蕩漾人自醉草深池暖生蒲芽  
亂紅堆逕君莫掃明年  
花開春又好但得有酒登高樓  
不用花前嘆春老  
四山雨過翠光流春歸不知蜂蝶愁  
野花看開已結子如何不令人白頭

雪中書懷歌和范平仲韻奉寄黃陳二親

庚申

覆瓿集

卷之一

幾年不見臘前雪今復三日迷  
長空六出微茫眇  
髮墮地化作水籠絃大釣播物本無意  
妙巧如此些  
人工赫目三伏間爍石金爲融  
宇宙炎炎淨無滓  
有許物留蒼穹徹夜春蠶聲寒重  
頑無風曉視漫漫  
玉滿界琪樹水柱交玲瓏已喜萬古  
頌歎盡併作一  
色乾坤同山禽苦寒下庭除此豈有意  
投樊籠燮理  
當聖明三白知年豐黃竹蒼梧事已往  
鄭田周鼎何  
時窮置此勿復陳  
憂心易冲冲故山早梅凍未開誰  
肯乘興探芳叢黃陳齊名世稀有祇共  
清樽擁爐紅

我欲策蹇驢路危梁不通凭欄作詩寄遠目賡酬細  
味毋匆匆

黃親和前韻見示因再用韻奉寄

立春後二日

君不見少陵愁坐方書空亂髮過耳徒蓬鬆蒼天欲  
留千載名故遣起僵令詩工又不見天山六月雪  
融平砂莽莽連蒼穹漢家大將不顧身直使絕域  
呈風失意騎驢京華春得志金轡搖玲瓏丈夫升  
豈如此古今一致誰能同天馬振霜蹄乾坤猶樊籬  
恣以萬里姿俯戀春草豐黃州風景豈要觀秦嶺高  
覆瓿集

卷之一

九

詠真途窮昔賢俱同黃屋憂寧爲一已心中用之  
夜驚鵝鴨池不用曉訪梅花叢歲寒始知松栢堅肯  
逐浪葢浮花紅臘凍成春泥泉動土脉通元氣已復  
行周旋與君靜守毋匆匆

雪後喜晴三用韻奉寄黃陳二親一笑

畫屏樓前高插空遠樹如髮水籠菴義和駕龍海上  
來淨掃豐隆藏雨工平地瓔瑤一尺強斯須已作春  
泥融乃知幻物徒爲耳變化神速由蒼穹高岡尚巖  
凝萬里鳴天風玉削芙蓉射初日金碧焜耀光玲瓏

此時十二欄清興誰能同初平鞭羊起白石仙骨肯  
受羈樊籠亦有耽睡人翫易知旋豐二仙俱爲方內  
遊妙悟元化知通窮根歸迺枝萌夫豈心中冲我欲  
乘風三山行更向逋仙探寒叢人間富貴寧幾何使  
我不得童顏紅柯山太華只目前澗水原與滄溟通  
賡酬不盡登臨興却笑信筆徒匆匆

耕田歌

和王建體

丙午

林藏宿雨雄聲急老農扶犁荷蓑笠田多不知牛力  
疲驅牛叱叱嗔牛遲野鳥隨人啄鰕鱧嗉飛鳴噪桑  
覆菑集

卷之一

十

樹巔耕罷平田水如鏡涵空倒浸茅茨影白鷺雙飛  
不怕人香雪無塵羽毛淨野老田間自相語秧少傳  
聞好禾黍辛勤不敢望贏餘輸向官家奉明主

醉歌行贈唐佐衡

甲辰

君醉烏程酒我挽烏嗥弓飲酒非儀狄挽弓非逢蒙  
君不見陶令一醉北窻下陶然直與羲皇同又不見  
鼎湖龍去不復返獨留遺跡千古存蒼穹神物會有  
時不用悲途窮飲酒須飲二千石坐令四海還淳風  
挽弓向天九鳥落但見一輪正日當天紅嘆君猶未

遇踏蹬吳越中擊筑西湖上眼前四海空丈夫但保  
千金軀不患不遇真英雄嗚呼不患不遇真英雄

題鄭以仁府椽南山堂

癸丑

谷口鄭子貞雖非陶處士彭澤歸去來未必不同志  
古人論心不論跡今人論跡不論心曾子武城子思  
衛出處一致非升沉築堂悠然對平巘碧雲過雨南  
山遠孰謂今人非古人淋漓文字見題扁

看雲生黃山採藥歌

汪景榮

丁巳

看雲生黃山採藥行黃山之峯三十六採藥行行遍

覆瓿集

卷之一

十一

山谷有時看雲宿天都千澗萬壑雲糝糊北辰咫尺  
星匝地當空皎皎秋蟾孤天鷄初鳴海光赤下窺羣  
動喧號呼白雲掀浪接滄海洶湧萬里迎金烏此時  
看白雲便欲扶輪登天衢沛然三日霖一洗旱魃羣  
生甦靈芝與丹草下以醫疲癯上以寧君軀慶雲布  
祥癡瘴息天札俱令歸壽域看雲不負出岫心解將  
醫人轉醫國功成依舊歸黃山採藥看雲老山間石  
床夜濕洞雲宿芝草曉苗東風還紫陽山人昧精討  
看雲不識黃山道安得乘此秋風早與子相期拾瑤

草

送吳彥才之京

巳未

吳郎休陽人每念休陽樂一朝挾策辭休陽回首白  
雲滿山郭紅日皦皦升天衢五色雲中朝帝居男兒  
有才當大用何必儒生空讀書

程節婦

玉可裂劍可折貞婦之心不可奪山可摧陵可隳貞  
婦之操不可移荃蘭松柏有至性肯與百卉同衰盛  
唐虞三代嘗比屋共姜以來能幾姓程家遺事得所  
覆甌集 卷之一 十二  
聞保幼植弱心尤勤慈孫孝子不忍說詠歌尚托垂  
後人

送黃彥輝之官長洲丞

朝發京都城暮上姑蘇道姑蘇臺上今何如搖拽春  
風有芳草芳草淒淒接長洲居民商舸何其稠大船  
如屋連平地清歌妙舞盈高樓此地民風尚華藻力  
農不似爲商好商兒鼓柁任所遊貧民科徵豈終保  
理民平政在斯行慎勿遠効藍田生

激清軒歌爲呂旭作

壬戌



左史裔孫東籬子築室先塋俯清泚登車攬轡懷昔  
人高揭軒名照窻几憶昔趙宋自南渡國計每被姦  
臣誤忠臣烈士何代無裂背衝冠向誰訴賊臣專制  
無敢言左史奏檄盈書編儻言直論破鬼膽父子輝  
映相後先桑田久矣淪滄海賊子奸臣復誰在大議  
長行天地間白日懸空耿光彩聞孫傳家有真跡寶  
愛不啻連城璧每言傳跡不傳心祖孫何曾異今昔  
當年邂逅遊芹宮樽酒幾度良霄同長夜挑燈誦遺  
藁義氣凜凜橫心骨攜書自我來京國兩年不見澄  
清色夜深回首黃山雲風露滿空秋月白

覆瓿集

卷之一

十三

率溪汪茂卿求寫溪山小隱圖因題圖左

漸江天際來如絲委蛇下遶孫王祠兩岸青山如走  
馬勢與江水俱馳下疎煙遠近見村墟茅屋竹籬總  
堪畫隱士家居溪上村雲煙水石供晨昏田園歲入  
了官賦足跡不到王侯門谿魚入市克盤餐啄黍有  
鷄宰有豚論文痛飲醉方已高朋滿座無空樽秋風  
蕭蕭歲云暮奔走誰能免公務乾坤如許憾身多何  
况持家立門戶寫畫題詩良獨苦夢魂想像無由覩

我欲作詩奉明主挽此高風還淳古四海蒼生悉安堵

送儒醫洪毅夫

松蘿山頭雲氣橫落石渡口滄江平舟人艤棹童子  
候欲別未別難爲情洪君不獨醫國手千金秘傳懸  
肘後蘇家有井不自醫投劑二豎聞風走江樓有酒  
君莫斟酒斟不盡離人心杏花成林春風深花屏山  
下來相尋

散步至楓林

覆瓿集

卷之一

十四

信步尋春不知遠小逕委蛇繞平巘雨餘翠滑石磴  
危青梅如豆低垂枝屋上青山壓簷重風裏幽禽時  
一弄主人不歸柴門關山犬認人自迎送花落烏啼  
白日閑依微機杼鳴林間徘徊不覺歸來晚淡黃落  
日啣空山

古木寒林歌

甲寅

遂邑蔣存中以戶家子選爲稅務官得請而歸  
求余寫古木寒林賦此題之

遂陽山城萬家邑古木叅天蔽原隰虎踞老石龍迴

空雷擘蒼崖起羣蟄故人結茅溪上居日臨流水觀  
扶疎因懷萬牛棟梁重乘興偶謁承明廬滄海無際  
百川趨挂席欲進空躊躇故山喬木邈何許但見萬  
里連荒墟秋風江山客衾薄夢到家山舊丘壑青林  
白日誰共閑遠望有人高倚閣解印翩然歸故丘再  
觀古榦交螭虬棟梁無用甘樗散與爾老壽同千秋  
紫陽山人筆如舌爲爾寫向鸞溪雪堂上今亦生楓  
樹安得長歌繼前哲

萬松道人吹簫圖

甲寅

覆龜集

卷之一

十五

萬松道人者三衢之開化人也宗李氏學有塵  
外致好吹簫其鄉人汪彥脩與余會於遂邑彥  
脩讀儒書頗能曉葬法自號拙閒老人道人因  
彥脩求作萬松道人吹簫圖值連日苦雨不能  
出因爲寫以遣日併題數語以貽之

萬松道士持洞簫吹作鈞天鳴鳳韶海月初上萬松  
頂清影滿地風瀟瀟吹罷玉宇空寥寥餘音縹緲隨  
風飄青鳥前導豐隆御乘輿便欲凌青霄玄丹已熟  
九鼎火白鶴不畏長天遙萬靈執役雷電走倒酌北

斗翻招搖拙閒老人眼如電每向燈窻究黃卷清癯  
已是地行仙識君知心豈知面求我爲寫萬松圖手  
弄叅差自相娛吮毫欲寫輟復止豈以色相摹太虛  
我亦吹簫翫月窟金丹未能換毛骨賀老誠能識謫  
仙大鵬九萬同超忽

覆瓿集

卷之一

十六

覆瓿集卷之一終

覆瓿集卷之二

紫陽山樵朱同著

時新閱輯

晞陽居士范涑校

裔孫  
時芳祭閱

五言律詩

感懷

癸卯二首

報國空懷策思鄉懶上樓  
家山千里遠湖海二年秋  
世態須青眼羈縻自白頭  
倚門思子淚應寄浙江流

其二

不作東山卧空登王粲樓  
丹心朝對日病骨夜驚秋

覆瓿集

卷之二

一

故里頻來夢吳霜易上頭  
憾如江水闊薄暮接天流

送人歸後有懷

歲月懷桑梓霜風到客衾  
思親方寸亂送客淚痕深  
此去望鄉信何時聞好音  
神光應變化寶劍暮龍吟

次韻馮伯昂同發姑蘇

魯酒不可飲須傾三百盃  
君恩猶未報丹寸肯成灰  
自有鯢鵬路可令鷗鷺猜  
長江波萬里誰負濟川才

次韻伯昂見寄

家山不可望南國暗旌旗  
怕讀登樓賦長吟伐木詩

雲低江樹遠天濶海帆遲卻憶同舟夜何如載雪時  
可惜

可惜碧桃樹孤根遠日華綠微枝底葉紅淡雨餘花  
傍水含朝露照人生晚霞明朝重去看一一墮泥沙

題畫

密樹深藏寺輕舟煖棹煙藤蘿垂石上草閣俯江邊  
高岸立峭壁歸鴻來遠天平生江海志付與畫詩傳  
端午中黃親招飲齊明樓分韻得榴字 戊申

五月春花盡墻頭有火榴情因親故重酒爲倡酬留  
覆瓿集 卷之二 二

山色入窻滿溪聲繞座流何須問蓬島只此是丹丘  
舟過石崇湖次韻彥銘 辛亥 二首

山勢西來盡波平接太清地連天塹重名蓋石崇輕  
鏡淨空無滓風翻浪忽驚驚君恩天廣大那可不陳情

其二

舟行堤漸闊圓影浸空清浪蕩四山動帆飛一葉輕  
望遠心如醉思親夢亦驚君恩天廣大那可不陳情

贈王若霖二首 并序

王若霖歛之儒生也素未之識回自鍾山適值

同行時若霖新授江南奉新丞至薪嶺之北曰  
馮村將別自爲起句求余足之以贈別因再用  
韻以勉之云 辛亥 二律

且酌樽中酒重逢未有期歛南看月夜江右望雲時  
路逐溪聲轉山隨行處移明朝登嶺後回首倍相思

其二

幼學壯行志書生本自期方當勤苦日莫負聖明時  
雨過嵐光重雲開樹影移祇應崇令德千里慰遐思

題折枝梨花兼實圖

癸丑

覆瓿集

八卷之二

三

秋日梨花詠道園曾有詩青枝已秋實白雪尚春姿  
蘇子非今夢杜陵憶少時不因良友筆誰重昔賢思

題自畫扇贈曹子純

野樹秋容老層巒曉氣蒸寺鍾如隱隱江水自澄澄  
舉世悲傷足何人樂曲肱抱琴林下者好結浴沂朋  
贈智惠憶歸南泉

欲破愚癡障須懸智惠幢三生慢吳越一汲盡西江  
泉石曾共眼雲山故入窻祖燈期再續已見外魔降

七言律詩

西村畫山水爲羅傳道邑令題

辛丑

飛泉千尺垂長虹嵐氣散作煙空濛  
秋林高下見村屋古寺如聽雲間鐘  
樓臺依約煙樹表溪橋野艇行人小  
西村畫癖嗟余同對此興與秋天杳

次韻馮伯昂見寄

二首

君在高樓對山坐我向蓬窻對山卧  
湖山收雨作晚晴山色滿簾窻  
外過茶煙石鼎松風遠半枕梨雲春  
夢破起來便作春山遊莫待早梅如豆大

覆瓿集

卷之二

四

其二

錢塘江頭看潮坐錢塘江上聽潮卧  
潮聲半夜捲海來一霎雷霆枕邊過  
起來倚劍看青天月光出海半輪破  
笑問醯雞甕裏天豈知世上乾坤大

上巳苦雨呈汪養晦

戊申

三月三日苦淫雨春遊無計令人愁  
雲低暮色近垂地風捲濤聲遙撼樓  
青天白日果何處急電轟雷方未休  
最憐桃李花開樹零落離披不自由

大雨



三月十八苦炎蒸客子解衣如籠中忽驚雷電繞庭  
戶已見風雲盈大空雨聲倒挽銀漢落水勢首與滄  
溟同前村咫尺斷來往令人倍憶濟川功

夢中渡江之作

東風如顛怒清曉百尺危檣插天表張帆破浪追流  
星萬頃茫然一時了半生慣見風濤險登岸汗流愧  
沙鳥回看煙際波連空青山一點江南小

登子陵釣臺有感

癸丑

清曉扁舟維岸陰百年幾度來登臨遊人仰扳石磴

覆瓿集

卷之二

五

險飛臺俯瞰滄波深客星帝座一時事江水雲山千  
古心哲人去矣不可見擊劍空作秋龍吟

題畫

老虬參天勢欲動古樹錯立交隆嵒清溪雨過生碧  
雲隔岸嵐光入簷重小亭臨水清且漣怪石翠濕苔  
蘚妍倚欄讀書兩忘言豈應未了黃庭篇

汉口程伯齡扁所居曰容膝山房求余寫喬松

古木圖因題以爲贈

己未

老松參天倚溪濱卓立迥出凡木羣百年生息飽雨

露一日變化超風雲雲溪故家足喬木容膝山房更  
清淑知君每愛林下風故寫幽人坐溪腹

應

制作瀟湘八景

甲子三月

洞庭秋月

岳王樓前秋風起碧波夜涼天在水纖雲捲盡四望  
遙一色澄清幾千里爛爛銀盤海上來金光蕩漾鏡  
中開洞蕭依微碧煙外應有羽客凌風迴

瀟湘夜雨

覆瓿集

卷之二

六

三湘重湖碧雲暮岸葦江蘆不知數孤蓬夜半驚夢  
迴四顧茫茫莽回互乍疎乍密還瀟瀟澤被枯橋翻  
天飄江湖豈無廟堂念恩深不知千里遙

煙寺晚鍾

重巖疊嶂生虛籟碧煙隱寺橫如帶老禪出定月照  
廊數聲忽度長林外西來大惠非頑空要將耳觀開  
愚蒙洪音浩蕩無遠邇播揚萬里資 皇風

江天暮雪

巖風凜冽雲垂地遠岫平林失蒼翠馮夷剪水作飛

花一色迷漫滿天際孤舟釣縵昏未收蓑衣清興勝  
狐裘三白但有豐年兆一身饑寒何足憂

平沙落鴈

秋色澄空碧霄遠蓐收氣肅寒雲捲數聲嘹唳天外  
來低落平沙水清淺羽毛獨爾知隨陽豈爲饑腸懷  
稻梁嘶蘆不煩避矰繳解網今已同商湯

遠浦歸帆

灑氣滿空秋灑灑潦盡潭清木葉下片帆幾點天際  
來破浪乘風如走馬江漢今爲鴈鶩池商舶釣艇從  
覆甌集

卷之二

七

所之暮歸晨出會有時慎勿縱欲令人嗤

漁村夕照

茅屋人家小門逕紅蓼白蘋欲齊脰收縵曬網插疎  
籬短渚長洲遠相映紅輪留照懸遠空水村澤國俱  
春融飯飽不知身外事欸乃一曲歌淳風

山市晴嵐

平湖遠接青山麓瓦屋布帘煙簇簇瞳瞳海日出山  
頭晻靄林霏淡平陸鮮鱗可買醪可沽醉歸不倩傍  
人扶 皇風萬里被海隅漁樵樂土無處無

山居述懷

壬寅

投跡窮山休便休閒身猶抱古今愁百年自分田園  
樂萬里誰思社稷憂郭令豈無陶令志董生寧有賈  
生籌經綸本是男兒事莫理雕蟲到白頭

奉寄陳秉初

欲寫蕩蕩報所知楚天雲闊鴈書遲扶傾已籍諸公  
力側席應勞聖主思舊俗難忘周社稷危時空望漢  
旌旗投鞭何日踰天塹晉拜元龍會有期

夢歸梅花初月樓

覆瓿集

卷之二

八

一劍新從死地來夢魂長繞故山隈清輝萬里秋光  
老寒影幾枝春信回但覺親恩天廣大豈知世事日  
塵埃片時枕上團圞樂無柰城頭畫角催

過永樂田家有感

移舟暫泊釣魚磯一逕委蛇入翠微落日園林鷄犬  
富秋風平野稻梁肥農翁但道征徭重啼鳥那知世  
事非莫怨棲遲身是客家山亦有舊柴扉

嚴君誕日

年年稱壽梅花月今日淒涼想故扉堂上有親垂白

髮階前無我戲班衣  
溯江秋老人空瘦  
回嶺峯高鴈過稀  
安得元戎先十乘  
洗天風雨早同歸

七月登吳山感去年離家之作

癸卯

江上秋風吹客衣  
江頭塞鴈又南飛  
報君寸鐵曾無補  
作客一年猶未歸  
黃菊未沾新雨露  
白雲應鎖舊柴扉  
登樓莫憶去年事  
且向欄杆看落暉

雨中奉寄李仲吉員外戴子華二契兄

興來欲訪戴安道  
詩好長懷李謫仙  
客裏風光渾是夢  
雨中官舍小於船  
已知生死同今日  
莫使才名愧覆瓿

卷之二

九

古賢世上英雄誰是主  
與君努力中興年

奉寄山陰縣丞陳大用

奇才本自重南金  
未許相逢歎陸沉  
里路共爲千里客  
故鄉誰念五更心  
海門日上天光近  
江浦雲歸樹色深  
莫道過門風致盡  
扁舟正擬過山陰

同年仲望叅謀高德初過嘉興三塔寺分韻賦

詩得門字

風急舟輕如馬奔  
楚吟又動望鄉魂  
暮雲三塔林間寺  
茅屋幾家湖上村  
鴈陳遠衝霜浦冷  
邊塵遙接戍

樓昏平生每愛逢僧話帶月何妨叩梵門

宿嘉興通濟院題壁

過盡平湖擬問津忽驚林屋傍湖濱竹陰風細疑無  
暑花落鶯啼別有春身世不逃嗔妄想飄零長作別  
離人何時一了平生願歸去家山拜老親

至日登吳山

聞道春從地底還望春獨上吳山巔海帆幾點落天  
外塞鴈一聲來日邊彈鋏敢求遷代舍思尊未許賦  
歸田男兒出處關風化不用擡頭問老天

覆瓿集

卷之二

十

次韻高德初述懷

二首時寓化成巷

夢破梅花夜不眠滿床明月正中天一時用舍真兒  
戲千古興亡著簡編身老自堪歸杜曲詩成誰使効  
張顛平心事何人解擬向王門一上箋

其二

笛聲驚起海龍眠送作江南雨滿天世上風雲閒老  
手山中燈火廢殘編竄身嶺海悲韓愈借榻禪房喜  
大顛自是草廬無意卧不煩束帛爲箋箋

奉贈唐佐衡老師

平生每愧朱公倏歲晚忽逢唐子西上國未瞻郊鳳  
至故居空聽夜烏啼談詩抵掌唾壺缺把酒臨風江  
月低他日卜隣何處好黃山高與白雲齊

次韻楊思齊感懷

百鍊水清任斷魂吹竽無意上王門三年未有匡時  
策一飯總成明主恩獻賦得金真易與草玄投閣不  
堪論頭顱鏡裏今如許莫遣秋霜鬢上存

同馮伯昂泛舟由姑蘇過吳江抵錢塘舟中有  
作

覆瓿集

卷之二

十一

連床夜聽姑蘇雨柔櫓曉棹吳江雲大地北來山勢  
盡長江東去浪花分知君久抱屠龍技歎我空懷封  
禪文安得扁舟早歸去故山高卧謝知聞

吳江卽景分韻得池字

平湖萬頃去帆遲遙見孤村列戍旗一塔已無當日  
箭三高猶有昔年祠風掀急浪飛橋動霜滿高樓畫  
角悲欲訪鴟夷何處是望中煙樹自參差

過吳江思歸

甲辰

歲暮江春憶故園片雲猶隔路三千長歌作客豈今

日拔劍出門思去年古欵春歸梅似雪吳江風靜水  
如天雙親欲望兒歸日無奈南來有障煙

次韻馮伯昂見贈

扁舟載雨夜沉沉好語時聞咳唾音彈鋏作歌知客  
憾論功坐樹見臣心無緣可結三生夢有志終成百  
鍊金江左幾時休戰伐與君携手步園林

元日有感

壬寅

萬國衣冠拜袞衣兩年元旦負歸期江雲朝捲千尋  
碧海日晴曛五色旗江上雪消春水長山中寒重早  
覆瓿集

卷之二

十二

梅遲莫思鄉黨常年會寶劔當酬國士知

慈親花甲之日是夜夢中稱壽覺後有感

壬寅

夢中樽酒壽慈親夢覺登樓望白雲四海尚聞悲戰  
伐百年何計樹功勲眼枯自灑孟宗淚情裂誰憐李  
密文但得寰區歸上國便當萬死報明君

次韻萬壽塔長老贈天真藏主天真宣人

能詩琴

萬壽寺前古木森繫舟時遠復相尋詩成不作人間  
語琴好誰聽世外音琪樹風生驚夜雨法壇雲靜覆  
春陰敬亭山色何年別日暮江東千里心



題冷起敬如此江山亭

亭構吳山百尺梯更闌時聽海鷄啼絲桐夜雨清猿  
夢楊柳春風送馬蹄雪漲海門天塹闊潮回江浦月  
痕低登臨若問登臨句如此江山如此題

發錢塘至餘杭城阻雨三日題城北樓

一首

三載江淮奔戰塵濟時空負百年身青山尚是來時  
路城郭今非舊日人追信已無蕭相國舉賢誰似晉  
胥臣明朝又上新安道回首錢塘淚滿巾

其二

覆瓿集

卷之二

十三

百雉孤城流水東青山掩映戍旗紅蛙聲日夜亂城  
柝嵐氣作雲漫碧空茅屋幾家兵火後關河千里戰  
塵中鴟鵂自有天池路非復吳中舊阿蒙

過昌化次前韻

未拂征衣滿面塵雲林何計乞閒身荒村白日有啼  
鳥廢屋頽垣無住人大地豈應終破碎普天誰爲正  
君臣高堂自有二親在且向晨昏事盥巾

度昱關宿老竹田家及抵家述懷

甲辰

險阻艱難備此程百年生死一毛輕但知憾比徐方

寸深媿才非杜北征茅屋晝藏牛共卧山溪夜渡虎  
同行歸來已喜雙親健莫遣秋霜上鬢莖

次韻李仲吉見贈

千里還鄉已到鄉故人應是更淒涼珠還合浦神光  
在鴈叫寒雲別憾長滄海桑田心不變山林鍾鼎事  
何妨雪深山逕藥苗小何日林間遇阮郎

奉簡敬道兄長見顧

林間終日坐蒼苔有客過從此地來厚餽遠稱慈母  
壽好懷今爲故人開黃昏燭盡雲山出半夜詩成風  
覆瓿集

卷之二

十四

雨催莫厭田家供奉薄看花村塢當啣盃

題自作山水

二首

小閣獨坐日無事幾迴飛夢到天台一時風雨眼前  
過萬里山河筆底開林下有人閒白晝世間無地不  
黃埃便當辦取九節杖劔閣匡廬頻往迴

其二

誰剪吳江半幅天滄洲詩思便悠然長江萬里雲垂  
地錫杖一條僧上船惟石定從天上落喬松勢與海  
相連好山是處堪圖畫任取旁人笑米顛

過瑤溪訪俞敬道不遇因留宿是時敬道有金  
華經商之行

故人別去忽三月乘興冷然御曉風避客本非段干  
木泛舟應擬陶朱公窻間月影生林外壁上燈花落  
酒中自是過門不相見風流難與昔人同

贈別鮑尚綱赴人才選

五月炎天金石流故人何事買行舟興亡莫問烏衣  
巷嘯詠應過白鷺洲幾載焚膏傳世學一朝束帶應  
時求欲知別後相思處月上梅梢夜夜樓

覆瓿集

卷之二

十五

施杜端三使君見訪索贈

聯翩三騎出城東此日追遊清賞同但向梅花翫初  
月肯隨柳絮逐春風稻收平野郊原曠鴈叫清霜宇  
宙空先後錦還京闕近莫言耕釣有隆中

秋雨感懷

雲鎖千巖晝不開攬衣小閣獨徘徊風飄翠色紛紛  
下雨送寒聲陣陣來竹葉已空前日醉桂花莫受曉  
霜催眠中千古興亡事撥向爐中鐵筋灰

實夫有金陵之行令人重增慨嘆短章奉寄以

見下懷

春首過從到弊廬談詩清夜剪園蔬久知衡宇能容  
膝豈料王門再曳裾見志但知孫綽賦濟時莫上賈  
生書眼中故舊飄零盡迴首西風歎索居

汪尚書輓章

澤民

敬亭秋色何人敵天挺奇才出土林問學始膺先代  
澤艱危終見老臣心乾坤推轉有興廢賢聖操持無  
古今德業已垂青史筆却令後死重哀吟

歸故宅

覆甌集

卷之二

十六

曲曲清溪來往頻故園又得見先春笋穿舍北竹繞  
屋梅倚牆頭花笑人泉石幾家供客眼江山萬里暗  
兵塵由來軒冕多翻覆澗水松風未是貧

同鮑氏諸公遊靈山絕頂松林

大地山河一覽中登臨感慨古今同片雲又作人間  
雨萬里自來天外風尚有塵埃盈下界全無纖芥礙  
虛空吹簫玉女雲中下指點蓬萊滄海東

冬夜

千林秋盡夜迢迢十二欄杆倚碧霄道統已慚周茂

叔將門還許霍嫖姚亂山明月涼如雪半夜狂風怒  
似潮白面書生成底事莫將身世老漁樵

題白雲樓

自作繭窩人已仙白雲名在尚悠然登樓作賦傷今  
日荷鍾攜壺思昔年欄倚長空秋見鴈林藏積雨夜  
啼鶻九齡帝與誇當日白髮重看繼世賢

題登源綠照亭

登源洞裏石如屋綠照亭前水作湖溪聲遶座驚風  
雨山色入欄供畫圖身世幾時歸澗谷林泉何地不  
蓬壺高朋盡日追遊樂莫厭沾衣雨載途

覆菴集

卷之二

十七

贈項子全

三衢項子全宦遊江湖間常勤勞王事已而以  
醫學自娛乙巳歲携其子訪宗族於貴溪過門  
求見索詩遇以他出不及奉迓走此爲謝

過門未識子全面久矣逢人說項斯宦志已灰更變  
後宗枝還念未分時曾楊近古無神術盧扁于今有  
國醫尚擬好風吹杖屨夜深雨足剪園葵

山中書懷奉寄葉實夫

丁未

投迹深林百念休，春花秋月與追遊。  
雨餘山色朝當戶，風外溪聲夜滿樓。  
已拚歸畔辭虎口，還思結友效龍頭。  
吟餘獨上南岡望，猶自空懷杞國憂。

五月十五夜對月

丁未

正愁苦雨作梅霖，向晚雲開見遠岑。  
天淨已推圓鏡上山高，猶隔半村陰。  
清光本自無圓缺，人世果誰分古今。  
明夜陰晴不可斷，欄杆獨倚謾沉吟。

同董伯和登砂子嶺觀聖潭瀑布

丁未

小逕穿溪斷復通，叢林陰翳失西東。  
重巖直上九霄覆，龍集

卷之三

十八

上古廟深臨萬壑，中白日忽驚飛急雪。  
青潭慎勿怒潛龍，誰知一勺靈湫水解與人間作歲豐。

上江山中卽事

山上青山樓上樓，結樓高下倚林丘。  
通幽一逕苔蘚滑，壓檐四山空翠流。  
松梢滴露作疎雨，嵐氣入簷生早秋。  
我來暫下陳蕃榻，一洗平生今古愁。

至楓林登東山樓有感

樓隱喬林白日長，桂花不斷四時香。  
山蒸嵐氣作朝雨，竹引水風生晚涼。  
身在豈應愁計拙，興來時復動

詩狂東山一爲蒼生出贏得人間話幾場

曹操楊脩翫曹娥碑圖

戊申

江水粼粼照岸浮古碑如堞立江頭誰知手撚吟髭  
日已是心疑國士秋奸計不逃人物議畫圖解寫古  
今愁沽才鬪虜固應爾更有同時鸚鵡洲

嚴陵舟還喜晴贈陳大用

己酉二首

幾日濃陰撼朔風今朝新霽早推蓬山頭積雪連雲  
白海上明霞照水紅身世已知歸計穩舟行況與故  
人同通家喜有朱陳舊努力躬耕待歲豐

覆甌集

卷之二

十九

其二

霜寒水落石如林瀉壁直下三千尋邈流豈辭上灘  
澁到家不厭尋源深片片浮雲或聚散袞袞長江無  
古今此懷只有陳搏解故喜扁舟論素心

何士明判簿以詩求作雲麓書隱圖不果爲作

步韻奉答

己酉

十年江上憶茅廬故託毫縑寫舊居濟世可堪終稼  
穡蒞民無計禦樵漁久知心遠懷桑梓已喜身閒棄  
簿書雲麓真山應會見莫看圖畫賦歸歟

題送行詩卷

辛亥

端木孝友孝思從先子遊尋復侍尊人之官江西有送行詩卷余未之作今歲又侍親在朝

偶會於鳳凰臺下求補此卷爲賦此

江西未有送行句此日相逢再賦詩定省羨君多伯仲飄零憐我獨孤遺夢回石水論文夜喜見秦淮問禮時後會茫茫又何地應須努力慰相思

題王悅中長司林泉歸隱詩卷

王君歸隱林泉志先子當年亦有詩身老可堪奔走  
覆瓿集 卷之二 二十

職子賢不翼聖明時夢回雲海滄波遠春到園林化日遲我欲携書訪泉石白雲已有宿年期

發新城至江浙書懷

癸丑

夜發新城望浙城好風吹送片帆輕  
一九皓月天心小萬里滄江鏡面平  
白浪總催前後事青山不盡古今情  
重來十載登臨地何處故人同眼明



覆瓿集卷之三

紫陽山樵朱同著

裔孫

時新閱輯

晞陽居士范涑校

時芳叅閱

七言古詩

十月十六夜嚴陵城下翫月

癸丑

誰送冰盤上九天清光不減夜來圓雲連遠岫橫天  
外山擁孤城枕水邊重鎮已空前日夢棹歌猶認去  
年船半生未了滄洲願安得垂綸繼昔賢

遂邑阻雨書懷

甲寅

二首

覆瓿集

卷之三

一

一春多事羈遂陽處處水潦如望洋青山雨歇烏啼  
急白日門關蠶績怵倚門無復念遊子思親空自摧  
衷腸慈烏中夜驚獨宿爲爾涕泣沾衣裳

其二

癡雲一月翳朝陽四望平蕪盡海洋蜀魄喚春空自  
苦吳蠶作繭爲誰怵一身留滯難回首萬事牽縈易  
斷腸繼述久知心事重莫將流涕浪沾裳

杜休寧秩滿將行以李生畫鶴留別江彥銘令

余爲題

李生前朝人自題云某人作以記重逢  
甲寅

文昌自是文章伯令我題君畫鶴詩翹首豈無霄漢志  
潛身猶待羽毛期李生昔記重逢日杜老今當借別  
時好爵與縻應有意林臯空動故入思

宗家成仲以先子所題墨竹求詩

先子手筆故家竹蟠虬蛟龍墨尚新典則喜存三世  
物文章猶見百年人脩莖已傲風霜晚嫩葉還沾雨  
露春欲繼短篇題紙背披圖令我倍思親

嚮明樓

甲寅

庚戌之冬先子爲宗家子敏作嚮明樓記道其

覆甌集

卷之三

二

移孝就忠之意因得疾歸不起今年賤子省家  
林子敏邀宿是樓求題斯卷次早倚欄雲山萬  
變曉光中誠爲勝槩復念斯文先子之絕筆也  
謹賦近體以寓傷感之懷

嚮明樓上乍登臨對景興懷感慨深萬疊雲山迎曉  
日一庭煙樹接春陰獲麟自念當年筆報主誰知此  
日心萍梗東西根本在每飛魂夢到家林

題希陶詩卷

甲寅

二首

宗家子華名菊自號希陶翁有詩卷子華好讀

易亦好飲自註學易碎錄其志可嘉求題茲卷  
爲賦

典午鹿去不可尋靖節感慨何其深赤松終遂博浪  
擊孤竹肯改西山心百年事異有興廢曠代志同無  
古今希陶果解前人意述酒雄篇時一吟

其二

奕世宗家不乏賢衣冠猶見壁珠聯甘爲彭澤歸來  
後欲究庖犧未畫前酒熟但邀隣舍飲書成應付子  
孫傳思鄉遊子情何限安得相從濯澗泉

覆瓿集

卷之三

三

贈別趙省郎

乙卯

趙璧連城舉世知紫陽一見又分離莫辭遠客長征  
日正是男兒報主時山路春明花隱隱驛庭煙暖柳  
垂垂定知公館多詩興好寄雙魚慰所思

同休邑丞應叔原由屯溪泛舟至溪東贈別

時丞委運海船木 乙卯

屯溪渡頭春水生孫王山下滄波平斷雲過雨有底  
意落日青山無限情送別已知難作別舟程那敢緩  
王程江山勝處須題詠安得與君同眼明

遊觀崖亭圖 有序

爲石文舉長司題遊觀崖亭圖是亭杜休寧所  
創余去年嘗同杜公遊有詩

落日溪頭曾艤舟新亭俯瞰碧波流當時唱飲偶喜  
會此日題詩思舊遊天葆遠涵清鏡曉齊雲平接野  
煙秋少陵醉後雄篇在幕府還能爲爾留

汪谷賓因李雪齋求余寫臨清樓圖併詩

野人未上臨清樓作圖題詩預遊題詩不盡登臨  
興作圖謾寫凭欄秋水南鬟黛入簾小松蘿空翠當  
覆瓿集

卷之三

四

窻流想像賦成終未穩安得乘輿來上頭

題菊堂

有序

戴榮仲以菊名堂因眷家程孟德求題以不知  
其爲人未之作也而孟德催促坐守因賦

菊堂詩債已年餘孟德重催始就書欲寄淵明籜下  
句未尋安道雪中居清香獨傲秋霜老棟宇猶涵夜  
月虛甲子千年誰解得爲題君卷倍躊躇

江節婦

并序

節婦孫氏友人江彥功之母也先子爲之傳翰

林諸公皆爲品題今歲彥功復求僕着語時孫  
氏已棄榮養而先子亦捐館矣傷今感昔爲賦  
蕭江節婦先君傳苦操雄文照亂離操定不隨天地  
改文傳空使古今悲平原渺渺春暉遠蘭樹依依麗  
日遲把卷欲題當日事嚴親又動九京思

夢別陳彥珍并序

臘月十日夢陳彥珍判簿考滿而歸方樽酒談  
笑間復有長安之除促使已在門矣惻然別去  
夢中作此覺後急書之

覆瓿集

卷之三

五

握手相逢喜未闌又遮西日上長安江山千古形容  
壯戈甲十年民已殘路遠誰憐行役苦情深自覺別  
離難下車早報平安信白髮高堂淚未乾

黔山汪孟和以其祖居樓碧樓作圖求賦爲題  
之時爲府吏

謫仙去我日已遠誰復結樓樓碧山韶華一逐流水  
去碧桃幾見春風還龍魚每懷鼻祖重騏驎肯放聞  
孫閒題詩不盡歸歎意安得與子窮躋攀

題自畫

樓觀橫空倚薜蘿千尋晴碧落滄波天連極浦歸帆  
小雲鎖重巖積翠多一壑已堪藏蠹籍百年只合老  
漁蓑扁舟草閣相看者應有臨風欵乃歌

題金山寺

庚申

袖拂塵埃到上方白雲深處自生涼金爐香細輕浮  
座貝葉陰濃靜轉廊十二樓臺餘寂寂三千世界杳  
茫茫流傳今古爭梯接獨有文公重感傷

題宣上人棲碧軒

謫仙不荅俗人問此是西來第一禪究竟本無文字  
覆瓿集 卷之三 六  
教品題猶有短長篇軒開淨几雲生座欄瞰清溪水  
漲川忽憶門前車馬事故知宣老卽青蓮

青蓮居士謫仙人酒肆藏名三十春湖州司馬

何須問金粟如來是後身此李謫仙詩也大慧

語錄云歸宗可宣禪師與郭功甫友善功甫時

任星子尉宣寄書云且托生君家六年望君見

顧功甫得書驚喜中夜見宣入內妻果有姪及

生卽名宣老才週歲記問如昔逮三歲白雲端

和尚過其家才見便呼師姪端云與和尚相別

幾年宣屈指云四年端云在甚處宣云白蓮座  
上喫油糍忽門外推車過端云門外甚麼聲宣  
作推車勢端云過後如何答曰平地一條溝云  
題自畫榆溪清隱圖寄程國輔  
庚申 二首

榆花飛處杏花開盡是高人手自栽古寺晚鍾僧出  
定平林春雨鷺飛迴傳家幸有藏書屋報主慚無濟  
世才何日許辭金殿值杖藜莫訝客頻來

其二

初月梅花近水開滿林仙杏爲誰栽雨晴採藥穿雲  
覆籠集

卷之二

七

去風暖尋詩步月迴身近玉墀膺寵渥手調金鼎詫  
奇才鳳凰池上頻回首會見鷓班接踵來

陞春官侍郎遣篤鄭歸寄陳姊夫德銘

乙丑  
二月

憶昔家居溪上村青山爲郭石爲門姻親賴有朱陳  
舊問學誰知道義尊君守園林承祖澤我縻廩祿荷  
天恩疎慵若有歸田日世學還須重討論

其二

自携琴劍別幽居魂夢無時遶故廬訪遠已知親諄  
重趨朝還念非才疎百年霜露遺先壟萬卷牙籤積

舊書歸到楓林頰護念時傳消息報何如

遭誣得罪賦此以見志

乙丑三月 二首

四十趨朝五十過典章事業歷研磨九重日月瞻依  
久一代文章制作多豈有黃金來暮夜祗慚白髮老  
風波歸魂不逐東流水直上長江訢汨羅

其二

自知廉紮可匡君豈料顛連更殞身七載儀刑多制  
作百年經史豈無聞人情洵洵何時定世事怵怵總  
莫伸萬死一生何足報盡將心事付蒼旻

覆瓿集

卷之三

八



五言絕句

契友汊口范平仲寫雲溪歸隱圖成題此

疊巘青螺擁閒雲白練舒林間數椽屋彷彿似吾廬

題畫馬手卷 二首

八駿去已久驕驢未易逢君看七十足若箇是真龍

其二

塞北平如砥沙場五月寒驕驢不受馭焉用置奚官

六言絕句

題琴趣軒卷 四首

覆瓿集 卷之三

九

構屋已題琴趣寫懷更賴詩腸一操九臯鳴鶴仙風

吹送天香

其二

箕子誰傳悲操汾亭空寄餘音獨有杏壇玄聖軋坤

今古同心

其三

澆世漸離淳古九疑望斷重瞳寄語軒中高士爲誰

彈作南風

其四

淨几爐煙書靜小齋花氣春酣莫作商聲秋調鶯啼  
三月江南

題浯溪清隱圖贈吳甥

山下半篙春水溪頭幾樹疎煙爲問故人閒處聽松  
應是高眠

題五城程均敬畫

雲散山連晴碧江空樹倚高秋天外歸舟何處山中  
十二層樓

七言絕句

覆甌集

卷之三

小園栽菊

二絕

菊苗移向小園中好雨初晴土脉通不是陶潛耽野  
趣欲留晚節待秋風

其二

老菊叢根寄小盆也知春至長兒孫扶持已費栽培  
力長育全資雨露恩

卽事 二首

菊自離披蝶自愁道人無事懶悲秋多情昨夜三更  
雨洗出青山著屋頭

其二

結茅深住白雲窩人迹何如鳥迹多村塢月明聞犬吠定知山虎夜深過

畫扇

是處青山好結廬杜陵每愛野人居白雲不作蒼生雨長向林中伴讀書

題錢舜舉海棠白頭翁

曉起嬌紅映綠紗春風籬落一枝斜山禽自是頭元白莫向花間怨歲華

覆萼集

卷之三

十一

題宋太祖蹴毬圖

龍未興雲虎未風一包元氣聚英雄等閒蹴向陳橋驛百二山河舉步中

墨菊

三徑秋香不可無伊誰描得影模糊只愁醉倒陶彭澤故着當年阿舒扶

畫扇

癸卯

時余與董伯和同寓越與作此圖以寓思歸之意故題之如此

一棹滄浪煙霧深古松陰底自沉吟家山只在青山  
下重疊暮雲何處尋

宿江頭不了寺

分得禪房半榻眠譚空因悟靜中天隔窻一夜江頭  
雨忽憶春山好種田

訪祥雲谷首座不遇

荷鉏欲訪祥雲谷雲出天涯晝寂寥擬念過從知姓  
字秋深何處有芭蕉

遣人歸寄

三首

覆瓿集

卷之三

十二

年餘始報平安信萬緒千端下筆難但得雙親頭健  
在不須流淚倚欄杆

其二

甲辰之冬十月望行客此時應到家想得雙親淹淚  
眼問兒何事在天涯

其三

兩字平安報緇君勲名未了百年身但令貞潔如圓  
月不用春閨夢遠人

至赤岸

千里奔馳志未灰小舟又唱楚歌回  
舉頭遙見六和塔無數青山隔岸來

題畫扇錢葉省郎越中行

二首

三月錢塘春漸濃老松長吼海門風  
故人一別知何處天外青山是越中

其二

清明時節雨霏霏客子新裁白紵衣  
日日江頭問消息洗天風雨幾時歸

題畫

四首

覆瓿集

卷之三

十三

溪上青雲好結居午陰不用廢蒲葵  
松風吹醒江湖夢猶道潮聲撼草廬

其二

老樹亭間翠影疎遠山煙外淡模糊  
扶筇爲問清溪水還向長江作浪無

其三

林臯獨立誰家翁悵望天際來  
秋風暮煙未收遠山淡海潮初落滄江空

其四

老松屈盤倚亭樹靈物那無鬼神護只愁一夜風雨  
來化作神龍擎崖去

除夜有感

甲辰

一首

椒盤明早頌椒花又是新年華歲華卻憶去年當此  
夜吳江霜落夢歸家

其二

大地久嗟風土異昊天終見歲時同來朝擬上南山  
壽安得封詞付曉風

雪霽

覆瓿集

卷之三

十四

曉分梅影天花白夜引蟾光玉色明卧對軒窗迷近  
遠忽聞鼓柁剡舟行

題自寫山水

岸上青山山下雲孤舟潮落繫江濱却看江上風濤  
險何似林間自在身

花朝登砂子嶺

山上白雲山下溪雨餘石磴淨無泥幽禽不管興亡  
事盡日林間自在啼

睡起偶書

八面檣窻八面開  
畫屏窻外綠於苔  
竹床藤枕涼如  
水  
睡熟不知山雨來

泛舟嚴陵

巳酉

四首

江水環山觸處開  
長歌輕撥浪花回  
舟行轉盡疑無  
地  
又擁雲山一簇來

其二

雨聲徹曉收不住  
船頭水高三尺強  
只須多買威平  
酒  
中流擊楫歌滄浪

其三

覆瓿集

卷之三

十五

千灘水沒浪花浮  
鼓枻乘濤喜順流  
兩岸青山看不  
盡  
扁舟五日到嚴州

其四

來時水沒千灘平  
歸去水落日崢嶸  
却看岸痕思前  
日  
舟在垂楊樹巔行

閒閒道士求題息齋竹

楚山脩竹不可致  
誰寫秋風筆底開  
疑是道人吹紫  
竹  
月明引得鳳凰來

小景

短簑茅舍是誰家樓隱松篁石逕斜記得繫船溪上  
日暮山重疊鎖煙霞

簫

紫管何年玉刻成宮商隨指自分明夜深喚起洞霄  
月十二絳鸞天上鳴

楊妃上馬圖

錦鞦銀鞍映綺羅開元猶是舊山河海棠春暖嬌無  
力寫向生綃恨轉多

白描湘妃圖

覆瓿集

卷之三

十六

苦竹嶺頭啼鷓鴣瀟湘江上是蒼梧月明猶記當年  
夢仙袂翩翩淡欲無

楓林牧隱圖爲吳子

松蘿遠削青芙蓉笛聲又起秋原風牧客醉歸牛飲  
澗黃華滿地霜楓紅

雲溪歸隱圖

并序

洪武壬戌范平仲以事之京持圖求補前序爲  
題絕句於圖上以見意爲後會張本云

雲溪歸隱終成隱客館裁詩未是詩待到柴門重掃



日是余文債欲償時

春江送別圖贈吳伯成省郎使回

乙卯二首

三月江南煙雨晴杜若草沒滄江平輕舟短棹又相  
別花落烏啼難爲情

其二

王程豈計路遠近山色自與帆相迎想得皇華歸使  
日日邊遙拜五雲明

墨菊寄方山程德明

方山處士別我久每挹高風晚節香賴此鶯谿三尺

覆瓿集

卷之三

十七

雪寄君日日作重陽

寫墨菊寄陳彥珍

挑燈乘興寫秋芳寄與幽人晚節香粟里尚遺三徑  
在何時同子醉重陽

題自畫寄陳親

柴門舊日經遊駐留得風煙在故居爲問槃中陳處  
士溪山清興近何如

戲問龍筆架

古貌人傳漢祖顏全無變化似庸孱如何千載風雲

志俛首低回筆硯間

答

頑軀豈望風雲會  
素質長懷鐵石堅  
待到文明開聖治  
負圖也學出河邊

題畫

紫陌紅塵沒馬頭  
人來人去幾時休  
誰家有酒身無事  
長對青山不下樓

錢塘歌

錢塘兒女面如雪  
錢塘兒女脚如鐵  
販鮮海上不歸

覆瓿集

卷之三

一八

來夜夜吹蕭望明月

竹枝詞

十八首

錢塘兒女不學針  
月明窻下理胡琴  
逢人但道新番曲  
不識春愁海樣深

十八嫁郎眉未開  
郎輕離別重求財  
扁舟一逐江湖去  
日日潮來郎未來

郎去從征不見來  
門前小逕已生苔  
願得海門高萬丈  
倒流江水送郎回

郎在湖東儂在西  
歸鸞愁盡遠山眉  
梅花月冷珊瑚

枕半夜夢郎郎不知

湖上兒女宮樣粧小舟蕩漾菱荷香逢人便唱相思  
曲不道儂家有阿郎

郎去從軍二十年花開花落任春妍門前有箇垂楊  
樹不着遊人繫畫船

十五十六月正圓樓頭買卜問青天月如照到吳江  
水郎在吳江第幾船

儂家住在湧金門青見高峯白見雲嶺上已無丞相  
宅湖邊猶有岳王墳

覆瓿集

卷之三

十九

葛嶺東頭是相門當年甲第入青雲樓船東入襄湖  
去何曾望見岳王墳

郎心恰似江上蓬昨日南風今北風妾心恰似七寶  
塔南高峯對北高峯

勸郎莫上南高峯勸郎莫上北高峯南高峯雲北峯  
雨雲雨相隨愁殺儂

芙蓉葉底雙鴛鴦飛來飛去在橫塘人生多少不如  
意水遠山長難見郎

阿儂隨郎上釣舟郎作釣絲儂作鈎鈎釣絲無鈎隨風

傷鈎鈎無絲隨水流

湖草青青湖水深  
畫船撐出斷橋陰  
畫船無柁是  
性斷橋有柱是儂心

茜紅裙子縷金紗  
多在湖船少在家  
黃衣年少不相識  
白日敲門來索茶

阿儂家住第三橋  
白粉墻低翠竹高  
春光一日老一日  
怕見花間飛伯勞

望郎一朝又一朝  
蕭郎信似浙江潮  
錢塘潮信有時失  
臂上守宮無日銷

覆瓿集

卷之三

二十

小姑擬郎去不歸  
爲郎打瓦復鑽龜  
青山尚有飛來日  
豈有人無相見時

覆瓿集卷之三終



04503

